



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CXXXVIII. Ioannis Papae VIII. Ad Vviperto episcopo obediatur, qui eum per dimissoriam acquisiuit.

urn:nbn:de:hbz:466:1-15967

EPISTOLA CXXXVII.

IOANNIS PAPÆ VIII.

AD HVGONEM, THEODERICVM,
ET BERNARDVM COMITES.Vt amicitiæ caritatisque fœdus cum Bosone
iustum seruent.*Hugoni, Theoderico, & Bernardo, illusterrimis regni Francorum.*

FRETVS vestra ingenuissima nobilitate, atque obediens
tia, quam propter Deum nobis condigne debetis, dilectissimum filium nostrum Bosonem, vestrum vnanimem fratrem & amicissimum, vt insolubile vinculum caritatis, fœdusque amicitiæ, quod coram Deo vicissim colligastis, moneo, hortor, nulla hominum male loquentium lingua, nullo cuiuslibet fraudis ingenio, vel in modico quoquomodo possit auelli: sed Domino auxiliante dilecti filii nostri Hludouici regis animum erga eum immobilem & tranquillum semper seruetis, & omnia sua salua atque pacifica conseruate. quoniam pro his ab omnipotente Deo, & beato Petro apostolo, futuræ vitæ mercedem, & a nobis & ab illo fidelissimas amicitiarum recipietis sine dubio retributiones. Data vt supra.

EPISTOLA CXXXVIII.

IOANNIS PAPÆ VIII.

AD VVLGARIVM MONACHVM.

Vt Vviperto episcopo obediat, qui eum per dimissoriam
acquisiuit.*Vulgario monacho.*

DENIQUE Trecis positi per nosmetipso cognouimus, qualiter Vvipertus episcopus, deuotus filius noster, te a proprio episcopo, atque abate, per dimissoriam acquisiuit, tua potius interueniente petitione. Quapropter conuenit tibi ex die illo, & deinceps, tamquam proprio obedire, eumque vt proprium pastorem sequi non prætermittas. quia, quod non optamus, si aliter feceris, vin-

culum excommunicationis super te rationabiliter exten-
demus. Data vt supra.

EPISTOLA CXXXIX.

IOANNIS PAPÆ VIII.

AD CLERVVM MEDIOLANENSEM.

Præcipit vt quoties episcopus Ticinensis eos ad Synodum
vocauerit , accedant.

*Omnibus sanctissimis & reuerendissimis confratribus & coepiscopis,
tam Mediolanensi archiepiscopo cum suis suffraganeis,
quam Rauennati nibilo minus cum
suffraganeis suis.*

SCRIP TVM etenim est: *Deus qui glorificatur in consilio sancto.* Psal. 88. Proverb. 18. Matth. 18.
Rum. & in euangelio: Vbi duo vel tres congregati fuerint in no-
mine meo, in medio eorum sum. & item: Si frater fratrem adiungerit,
ambo consolabuntur. His auctoritatibus fulti, vestræ omnium
sancitati mandamus , & apostolica auctoritate iubemus,
vt quoties vos confrater & coepiscopus noster Ioannes Ti-
cinensis , & post eum sui successores, vestrosque vocauer-
rint , pro emergentibus quæstionibus eximendis , conti-
nue beato Petro apostolo obedientiam exhibentes, simul
conuenire non differatis: quatenus Redemptoris nostri
gratia discussis animositatibus , vitiisque purgatis , in tran-
quillitate pacis ecclesia constituta, glorificetur Deus per
Iesum Christum Dominum nostrum. Sacerdotum, Leui-
tarumque iudicia , quandocumque necesse fuerit , cum
prædicto episcopo , tamquam proprii episcopi decernite,
ac diffinitæ freti nostra omnimodis apostolica auctorita-
te: quia onera nostra vobis cum partiendo reliqua tolera-
bilius sufferre valebimus. Optamus sanctitatem vestram in
Christo bene valere. Data vt supra.